



THE DAYBREAK.

"Wankantanhan Anpao kin hiyouhipi."—Luke 1. 78.

VOL. XXIV

FOREST CITY, SO. DAK., JULY, 1909

NO. 11

ANPAO - KIN:

REV. E. ASHLEY, - - - Editor
Rev. W. Holmes, - - - Assoc. "

Anpao wotanin wowapi kin wi iyohina, wiyawapi anpetu tokaheya eca wewapi tokšu kin oga yewicakiciyapi ece. Wi akenom (one year) on kašpapi yamni kajujupi kta.

Wi šakpe kin kašpapi wanji sam okise. Icupi šni itokab kdajujupi kta.

Wowapi askabyapi maša ana wanji qaiš nonpa owapi kin, mazaska eekiya. ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Cajeyatapi Woxapi Wan.

ANPAO KIN icikoyagunyanpi qa wicoran wašte econ iyounpaštakapi kta wookihi yuha. Okodakiciye-wakan opapi tka abebeya tipi kin, hena iyotan otakiye wašte heca kta. Bišop waun kin eciyatanhan, taku eamon onšpašpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin, wotanin tawa toktokeca ed kagapi kta. Oyate unkita-wapi kin owasin Anpao kin icupi qa sanm wicaša tokeca wicaqupi nin ecanmi.

W. H. HARE,
Yewicašipi Bishop

FOR ANPAO KIN--WAKANKICIYAZAPI.

Aberdeen S. Dak. ekta St. Mark's tipiwakan kin okna June 2, 1909. heeban Mr. William R. Mullett qa Miss Minerva E. Deloria, okiciyaze wakan econpi-Rev. J. W. Hyslop Kiciyuzapi kin yuwakan.

Iyohakan Ward Hotel ekta kodawicayapi wicota ob oyokipi-ya wotapi-Aberdeen, S. Dak. ekta tipi kte-winyan kin he Rev. P. J. Deloria cunwintku.

Sioux Falls, S. D.

April 10, 1909.

Niobrara Deanery Convocation kin he Kulwicasa tipi ekta, Paha wakan wakpala el, Messiah Tipi wakan ikiyela mnicyin kta e le eciyatanhan wicakicopi. Tuktel econpi kte cin Owakpamni etanhan maka iyutapi aketopa, nahan Chicago Milwaukee & St. Paul maza canku opaya otonwe Reliance na Keanebec etanhan makaiyutapi akešakowin ecefu.

Friday (anpetu izaptan) July 16 hibanna napciyuuka sam okise ape cin behan omniciye eyotankin kta.

W. H. Hare

Yewicašipi Bishop.

P. S.-Iwankab omniciye wicakicopi kta Tawayekiye hecetula kin on tawowapi kin el nakun lecel eye:

"Tohan niye eekiya Delegate na tona yapi kte cin wicacaje Ateyapi wicakipazopi kinhan iyowinwicakiyapi kta kohan onahonwicawayin kta. Nakun omniciye kin he iyoptin na oyokipi kte e Ateyapi kin hena wawokiye wicawaši kta.

Walehantu omniciye econpi wašte iyukcanpi hecetuyala kin on piwala, na hekta omniciye wašte econpi kin tokin lehan iyecel oyokipi nin ecanmi.

Mitakuyepi, Ito taku wanji obdaka wacin. Ehanni Aug. 18, 1907 ed Tipi wakan, Chapel of the Holy Faith, tate ibangye qa Tipi wakan codan unkanpi, ešta ohiniya Wakantanka unyatampi qa ohiniya ayaštan šni ceunkiyapi. Heon Wakantanka naunhonpi kecanmi. Dehan wanna Tipi wakan wan wašte lin ohnayan ehdepi. Unkan Winyan omniciye den unpi kin decen econpi, Candowankiyapi wan opetonpi, qa akeš Wahna wošnapi wan wašte opetonpi. Hehan canakan iyotankapi wanice unkan wica ded unpi kin he mniciyapi qa can akaniyotankapi heon wamnayanpi kta eyapi, qa wamnaya wan kagapi, Henry Westman he wamnaye šipi. Ho, hecen denakecapi mazaska elipeyapi: Miss Hattie Minnie Westman, Mrs. Susan Jones, Mr. John Bill, Mrs. Maggie Whipple, Mr. Eugene Hoffman, Mr. Smith Whipple, Mr. George G. Lawrence, Mr. Alfred Good Thunder, Rebecca Good Thunder, Joseph Godfrey, Miniyokiye win, Ellen Tuttle, Thomas Kitto, John Roullard, Jane Roullard, James G. Smith, Cora Miremm. Rev. W. J. Wicks zaptan kicun. Holy Faith Winyan omniciye zaptan kicunpi. Dena canakaniyotankapi Tipi Wakan ed ehdepi he wanjigji wokiksuye on hena ehdepi, hecen canakaniyo-

tankapi hena ed pagopi wicacaje kagapi.

Ho hecen wanna Good Friday hetanhan canakiyotankapi unhapi qa nina cante unwaštepi. Anpetu

wakan on nina wicota Tipi wakan ehaš kaotins unkanpi ecee. Ho hecen tona Okodakiciye ed oyapapi hena naunyecihonpi uncinpi.

Henry Westman.

SUBJECTS FOR DISCUSSION AT CONVOCATION.

Convocation econpi kin icunhan takuku iwoglakapi kta.

1. What does the Church require of persons to be Confirmed?

Tona Wicayusutapi econpi kte cin, Okolakiciye wakan kin taku cinwicakiya he.

P. J. DELORIA.

2. How may we strengthen the work of the Church?

Okolakiciye Wakan tawicošan kin he tokel unyuwašakapi kta pica he.

L. C. WALKER.

3. "Forgetting those things that are behind, and reaching towards those which are before."

"Taku hekta un kin akiktoujapi, na taku tokata un kin ekta yekiyapi."

J. FLOCKHART.

4. St. Paul directs: "Owe no man anything." How may we best observe the rule?

"Tuweni taku ikicazopi šni po" St. Paul eye. Woope kin he tokel yuecetupica he.

JOS. GOODTEACHER.

5. "In the sweat of thy face shalt thou eat bread."

"Niite temni kin on aguyapi yaglutin kta."

AMOS ROSS.

6. How best to increase the pay of Catechists and Helpers?

Catechists na Wawokiya wiši tawapi kin tokel yuotapi kta wašte he.

A. B. CLARK.

7. How may Catechists and Helpers aid themselves?

Catechists na Wawokiya kin tokel oigih pica he.

EUG. ST. BULL.

8. The Dakotas number 25,000—the White people 90 millions. Should the Dakotas try to be an odd people scattered here and there among the Whites, or should they try to become like the Whites in everything that is good, and mix freely with them?

Lakota kin 25,000 henakecapi—Wašicun kin 90,000,000. Lakota kin Wašicun wiceгна enanakiya oonyanpi kta he, naiš Wašicun taku tona wašte econpi iyecel igluhapi kta, na ob icicihiya škanpi kta iyecceca he.

E. ASHLEY.

9. Is true marriage ordained by God? If so, how shall the people observe God's ordinance in sanctity?

Kiciyuzapi wakan kin he Wakantanka konza he. Hecetu hecinhan, oyate kin Wakantanka tawakonza kin tokel wakanyan yuecetupi kta he.

N. JOYNER.

10. What is the best way in which to complete the Christian life in this world?

Maka kin le el Christian nipi kin tokel ihanke ekta iyotan tanyan yuštanpica he.

W. HOLMES.

THE DAYBREAK.

REV. E. ASHLEY: : : : EDITOR

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

OKOLAKICIYE WAKAN WIYAWAPI.

July wi kin.

4. Yamni iyohakab Anpetu Wakan itopa To
11. Yamni iyohakab Anpetu Wakan izaptan To
16. Niobrara Convocation mni-ciya eyotankin kta.
18. Yamni iyohakab Anpetu Wakan isakpe To
25. Yamni iyohakab Anpetu Wakan isakowin.
Na St. James Wahošiyē Ta-anpetu Ša

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicipawega akan otkeyahan yana tka qon, maka akan wicaša unpi kin owasin Niye eka etonwanpi qa niwica-yapi nunwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakun sanpa yewica-yaši kta e onšiciya iceunniciyapi: hecel Waawanglake wicaša na wacinyepica heca iyenakecapi kin on Okolakiciye-wakan nitawa kin iyuškin kta, na Nitokiconze wašte oicago tawa kin yutankapi kta; Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wool iye owicakiyakin kta e Nieinea wašte uyaši qon; wicaša oyasin onilepina iyenianpi nunwe. Oyate kin optaye nitawa kin opewicaya ye, na Ikeewicaša kin wokiconze nitawa eka awicagli ye. Tona wicayeco kin ecela wicaluecetu, na Nitokiconze kin kohanna uyakiyin kta iceunniciyapi: Jesus Christ Itancanunyanpi kin hec eciyatanhan. AMEN.

O ITANCAN, tona nunipi kin hena awicayakite ca niwica-yayin kta e yahi kin, na malpiya eka na maka akan wowašake-ataya nieupi kin, tona eonwica-yasi kin eciyatanhan, wicaša otioyohi Wotanin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe el ipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan: makošica on wicate cin etanhan: šicaya wicakuwa toohitika kin etanhan: wocetungla na inahnipi etanhan; wovacinibošake na owolutaton kin

etanhan: na oiyokpaza itancan iceiconza-pi kin owasin etanhan ewicayaku ye. Na wojupi na minikaštanpi kin iceunhan waicahye cin, Niye, O ITANCAN, uwicakiciya ye. Ikeewicaša wicota hein omnawicaya ye. Christian tamakoecepi kin eka tona wowanikiye hinsko tanka aktapi šni kin hena wicayuhomni ye, hecel, O Maka Wanikiya waonšila kin, Nieaje vatanpi kta na Nitokiconze u kta: Niye, Ateyapi kin na Woniya Wakan kin ob woyuonihan na wowitan lula, nunwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila nunicupi, Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Malpiya eciyatanhan hi kin he olepi na iyeyapi kta e iceunniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

OKOLAKICIYE WAKAN KIN ON WIWICAWANGAPI WAN.

WOONSPE IAKENAPCI-YUNKA

Tipi Wakan.

W. Wahošiyepi kin el, tuktel Christian wocekiye econpi he.

A. Tipi ikeeka ogna, imabel tipi wan heon egnakapi kin entu.

W. Christian tokaheya unpi Wakantanka oholapi kte cin on tipi wakan kağapi he.

A. Ho. Wicota na mazaska ota yuhapi qon hehan Martyr wicagnakapi kin el naiš oyanke tokeca el tipi wakan kağapi ece.

W. Tokaca Christian tipi wakan tawapi kin wakanlapi he.

A. Wakantanka Iyotan wašake cin oholapi kta heon kabniğapi na yuwakanpi kin heon.

W. Hecel taku etanhan wicayuhapi kta iyecceca he.

A. Taku šica na wicohan ikeeka kin etanhan; na wicohan wakan ecela on ilagyapi kta.

W. Lewi toope kin el wicowoyake 19, na oegle 30 kin el, Wakantanka tokel konza he.

A. "Tipi Wakan mitawa yakinihanpi kta" eya.

W. Christian wacekiye wicelhan kin on tokel St. Paul eya he.

A. Christian mniciyapi kta ece kin ayuštanpi kta šni keya. (Heb. 10. 25.)

W. Heon Jesus waonspekiya tawa kin tokel iwahowicaya he. (Matt. 18: 20.)

A. "Tukten nom naiš yamui micaje kin on mniciyapi kinhan, hel wiciyopeya waun ece" eya.

W. Dawid Psalm kağe cin heon tokel econqonpi kta iyecceca keya he.

A. "Tatlyopa kin mahel wopila yuba ya po, tabocoka kin el woyatan yuba ya po eya,"

W. Jesus Tipi Wakan tawa kin tokel eciyapi kta keya ce.

A. Tipi mitawa kin he owacekiye Tipi eciyapi kta keya ce.

W. Dehan Wakantanka oholapi kte cin on tuwe tipi wakan wicayuwakan he.

A. Bishop kin iye hecon.

Wocekiye Woecen.

W. Taniyan yuwitaya eckiyapi kta eca wocekiye oecon unpi kta he Wowapi Wakan el woiyowin-kiya he.

A. Ho; Juda Okodakiciye el witaya eckiyapi qon woecen itokel itokam owapi kin ognayan econpi.

W. Woope itakigna wicowoyake 21 na oegle 5-8 el tokel owapi he.

A. Oyate tohanhan igluwita-yapi na taku econpi kta oecon na oece ko ognayan kta he cejeyata.

W. Lightfoot taku kin le lila igni qon etanhan tokel Temple kin el oecon yuhapi kin tokel unkonspepi he.

A. Temple kin el woecen tawapi kin kaketu, Wošna wayušnapi, wocekiye oecon heca, na Psalms (Olowan) ogna eckiyapi.

W. Sinclair eciyapi kin, Juda tawocekiye on tokel eya he.

A. Juda oyate kin wocekiye wowapi yuhapi, na he el Woacakšin anpetu kin on oecon wan, kiciyuzapi kin on, tapi wicagnakapi kin on, wiyuškinpi na woiyokišice on oecon na Olowan agna yuhapi keya.

W. Wocekiye wowapi, kin he el nakun wocekiye taku yuhapi he.

A. Ezra, Juda oyate etanhan Wošna Kağa Itancan qon wocekiye akošaglogan owa qon el un, na hena Juda wicaša oyasin anpetu iyohi eya wicašipi.

W. Juda waonspekiya Itancan wan Maimonides eciyapi kin, tokaca wocekiye kin lena kağapi eya he.

A. "Ezra wocekiye kin lena kağa, hecel wicaša oyasin i ogna yuha unpi kta; nakun tona kšapapi šai eckiyapi kin, tona iewayapikapi kin iyecen wocekiye eyapi kta on kağa eye.

WOONSPE IWIKCEMNA NONPA

Wocekiye Oecon nakun on

W. Ehanna Samaria anpetu oyakapi kin, wocekiye heca Juda oyate unpi kin on tokel eyapi he

A. Wocekiye, wowapi yuhapi na yuwitaya eckiyapi ca he unpi ece na wowapi kin he Moses ta-anpetu kin he hehanyen he hecetu wanjica unpi ce eyapi.

W. Lehan Juda (sunagog) omnicieye tipikin el taku iyeyaye kta he.

A. Anpetu isakowin igluwita-yapi na Hebrew David Talowan kin abiyayapi, na wocekiye oecon ko unpi kin, hena hunkakewicaye, hekta omaka 2000 qon iyceel unpi ce.

W. Lena etanhan taku unkonspapi he.

A. Juda okolakiciye kin el wocekiye oecon yuhapi kta iyowinwicakiyapi ecela šni tka Wakan-tanka yuhewicaši kin he unkonspapi.

W. Wocekiye oecon kin heca, Wanikiya unkitawapi kin iyowinya he.

A. Ho, Juda okolakiciye el wolakolkiciye kin na woohela tawa el un na opa qon hecon.

W. Woecen kin lece iyowinye cin token sanpa iglutani he.

A. Waonspewicakieye tawa kin wocekiye oecon wan Itancan Tawocekiye eciyapi kin, wicaqu kin el.

W. Sabbath iceunhan tokel Jesus econ ece St. Luke eya he.

A. "Na econ ece kin iyecel, anpetu wakan iceunhan omnicieye tipi kin el tiliyaye na, wowapi yawa kta inajin." (St. Luke 4. 16.)

W. Jesus chake litayetu wan wahošiyē tawa ob wote cin ohakam olowan wan abiyayapi qon he taku oecon un he.

A. Woacakšin anpetu iceunhan, Juda oyate wotapi ayuštanpi ca taku lowanpi ece kin he un ce.

W. Olowan kin he tokel eciyapi he.

A. Hallel tanka naiš Wopila Olowan eciyapi.

W. Taku on olowan kin le kağapi.

A. Dawid Talowan kin etanhan olowan 115, 116, 117 qa 118 hena hec.

W. Lena etanhan taku unka-blezapi he.

A. Ceki-yapi ece qon, wocekiye oecon yuhapi kta Itancan unkitawapi toie na tohan ko on hena hecetu lake he unkablezapi.

W. Otokahe eka, okolakiciye wakan el wocekiye woecen itokam owapi heca yuhapi sece cin on tokel St. Paul yuwicaka selececa he.

A. Timotheus wowapi inonpa qu qon wicowoyake tokaheya na oegle 13 el eya ce, "wicoie on zaniyan unpi nahonciye eiqon, wovacinye na wowašte ko he tinea yusa yo.

W. Yewicašipi ohanyanpi kin el wicowoyake itopa na oegle 24 el tiku iyeunyanpi he.

A. Wahošiyē wocekiye oecon wan iyeunyanpi, ecin he en ho wankan icupi "na witaya Wakan-tanka hoyekiyapi" na taku heyapi.

W. Okolakiciye otokale en tuwe woyaka tawa oyakapi kin tokel eyapi he.

A. Hetanhan wanji Bingham eciyapi kin, "Christian woohola eciyatanhan Okolakiciye ataya el woecen wanjila yuhapi ce" eya.

W. Oecon tona akiyeeel yuhapi he.

A. Baptizma oecon kin. Itancan litayetu oecon kin na wopila eyapi oecon kin hena ce.

W. Palmer woyakapi tawa el tokel eya he.

A. Okolakiciye iyohi woecen tawa gluha he wovicake, oecon na wicohan ohinpiyan yuhapi, iapi na wovacin owanjila wicoicage etanhan wicoicage hehanyan eya.

Anpao kin:

Kola, ito taku wanji yaotanin ciši kte lo. St. Philip's Chapel etanhan wicaša nainš winyan omniciye lila unconalapi eša wocekiye el bliheiciya unškanpe lo. Anpetu wikcemna topa can woa-kilianiçiye econqonpe lo, na anpetu iyohila kiksuya iceya unkupe lo, na ikiyela ibe qon hehanl Tipi wakan el euntipi na wanna Jesus kini anpetu el anpao kin hehanl Tipi wakan el wocekiye econqonpe lo, na hehanl wicašapi ekta el wocekiye econqonpe lo, na he unki-glustanpi hehanl winyan omniciye el wašpanyanpi, na ohakab oiyokipiya wicawota, wocekiye iyayustag unškanpe lo. Ho nenala epin kte lo. Nitakopi wan onšike qon he miye ye lo.

Joe Jasper Tyott.

Dear Friend Anpao:

Ito Anpao kola takušnišni oyagciši wacin on le cicage lo. Inše taku ota nainš šogyelcin epin kte šni, tka oyate obinniyan unpi kin nainš oyanke otoiyohti tiwahe wanjikji tokatakiya nipi kte cin he ataya el ewaičinpi šni ye lo. Hunh lila škal yapi waštelakape lo. Ho hena eca wicawake ce, eya heš etan waaglipi ca heconpi eyaš, tokatakiya taku yuhapi nainš tiwahe el ewaičinpi šni ye lo, nainš wowaši econpi okihipi šni, škal yapi kta ecela awacin unpe lo. Ho yunkan oga tokata oškate kin he inajin ehantans hena tokeške hanpi kta huwo ecanmi ye lo, tokeške tokatakiya igloayapi kta huwo, ea wancag eš škal yapi kin ayuštampi na oiçihi wacinpi kin he wašte ye lo. Ho hecel oškate kin he inajin ecaš iye e hecena isam tanyan yapi kte lo. Ho heconpi ehantans iyoptekiye šni tiwahe oga yankapi na tokata iwaštepi kte lo. Ho hecetu we lo, na hehan akeš hunh mini wakan na kansu kutepi sa ye lo. Ho he inš eya tokata iwaštepi šni ye lo. Hunh wocekiye el i wacinpi šni ye lo. Ho he kansu kin ayuštampi na anpetu wakan cana wacekiye unpi na Wakantanka etkiya oiyokipiya yatan lowanpi hantans na ohinniyan Wakantanka oholapi kin inšeya woyawašte wicaqon kte lo, na tipi wakan el iyehan yapi ehantan tokata iwaštepi na on nipi kta wan yuke lo, na wicohan šica kin he on nipi kte šni ye lo. Ho inše hecegla epin kte lo, ca tona Anpao iyacupi kin henake micante on nape ciyuzape lo, Anpao koya.

Iwankab wowapi kage cin caje oigwa šni. Eya kiksuye šni seca, tka tuwa Anpao wowapi kicage cinhan ohinni cajeiglate iyecetu, na tuwe hecon šni kinhan taku ke cin kiciyaotaninpi kte šni tka.

Anpao kin.

Porcupine District etanhan.

Mitakola taku yaotanin ciši kta iyomakipi heon epin kta awacanmi ye lo. Tka leniyos iyotan naya-honpi kta wecin kin ee ye lo.

Govenor el oitancanyan lakota ekna wowašipi kin hena tona lakota ekna wotanin wašte oyakepi kin wotanin hena maka wiconi na wicanagi wiconi hena lakota ekna unyapatitanyi, he pilaunyayapi. Okolakiciye wakan etanhan wotanin wowapi yamni yakagapi, na hena lakota ekna on wicani kta e on yakagapi kecanmi ye lo. Ho hecel wiconi etkiya unyapatitanpi kta ca oniciyapi kta ca wotanin wowapi hena yakagapi. Ho lena cajepi kin eepi lo: Anpao, Iapi Oaye, Eyanpaha. Ho tka akšaka lici wotanin wowapi wanji mini wan unknahela ošeše kin iyececake sekse unkitawacinpi išta kin el unkablezapi kta iyececa šni se sekse wicoiye wanjikji yapazopi, tka iyotan le awauncinpi wašte, Glinapapi wicowoyake wikcemna nonpa na oegle akešakpa el lecel eya, "Nitakola on woyotanin owewakankan olakin kte šni". Wayalitagya nainš iglatanpi sa eyanpaha omayani kin he ito Govenor el wowasukiye wanji lecel yanke cin he ito ekta etonwan yo. Lakota ekna tuwa tanyan waonspekiye šni kinhan he cinpica šni keye lo. Ho ekta etonwan yo, lakota waonspepi šni otapi, tka ekna wayuškiškapi wicoiye, na tanyan cante kiciyuzapi šni wicayapi lo. Tunkanšilayapi tawowasukiye nainš Wakantanka hecel cin šni kin hena ekta eyatonwan wašteke lo. Lakota wotanin okage el awanlakapi kin ablesya ecanonpi kin wašte. Wotanin el iyapi yankin kta iyecetu šni wanjikji eknakapi he hecetu šni. Ho hecetu, nitakolapi onšike cin he miye lo.

Richard White Face.

Rosebud, S. D.,
Ring Thunder camp.

Anpao kin:

Ito taku wanji epa wacin na heon miyecilaotanin kta wacin. Hekta Winyan Omniciye lel unpi kin ake oitancan apiçiçiyapi na tokata omaka u kte cin tokeca oknayan Wakantanka wowaši ecaki-conpi kta wicakabnigapi kin he mawanji, ho hecel oitancan kin lena eepi: President, Jennie Lodge Skin; Vice President, Jennie Yellow Bear; Treasurer, Sarah Black Bull; Collector, Sallie Lodge Skin; Wokagege awanyaka, Nellie Cloud Boy; Wiyopeye, Jennie Runs forward; Secretary, John P. Boyd.

Ho yunkan mitakuyepi, ito taku wanji awacanmi hee cin he lee. Eya Wakantanka omakiye cin sutaya nawajin na sutaya wacintankaya wowaši ecamon kta hecel iyuškinyan ecel ecamon. Tona wicohan wakan el wowaši econqonpi qon hena Wakantanka iye towašake na towaonšila on awaunkilakapi kin he eciyatanhan taku tona econunšipi hecin hena iyotan unkiksuyapi wašteke lo mitakuyepi, na eya heš maka akan unqonpi kin le el taku tona wašteunlakapi na iyotan unyawapi hecin hena

lila ota tka hena on wicanagi ni kte cin heca šni ye lo. Yunkan lecel oyate el waableze, ito tuketu wicawotin kta nannhonpi na inš Christmas wotapi kta hecin lena ecelahcin unkawacinpi na waliuntakapi, na waunpipi kte qon lena lila cantounkpanipi, na kaunkipapi canna isam takuni unkawacinpi šni selececa. Ho tka mitakuyepi, ito isanpa etonwanpi kin wocantokpa ota ye lo, na hena ecaš aiyotan cantounkpanipi kte cin ee. Ito taku tona on niunqonpi kta hecin hena Wakantanka unkokiyakapi, na hena okna manunšipi na onspeunkiyapi na oknayan unkiçi-conzapi hecin unkiksuyapi wašteke lo; na Anpetu wakan canna Tipi wakan unyuhapi kin he el oyašin unkiçloayapi wašteke, iyotan epa wacin kin hee.

Ho hecel mitakuyepi, koška na inš wikoška yaunpi kin waonnispepi qon hena sanpa etonwan mayanipi na Wakantanka oiye ecela on waliuntakapi kin hecel wicacelipi, unyutapi kin he el wiconi owihanke wanice cin el unkipi kta, na he el lecel wowapi wakan wicowoyake wanji lecel weksuya sa. St. Matt. 6:1. "Jesus woniya on hewoskan make kin ekta ayapi wakanšica iyutanye kta e heon. Unkan wanna anpetu wikcemna topa na hanyetu wikcemna topa akihaniçiya, hehan wotektekla, unkan wawiyutanye kin he el hi na heciya, Wakantanka Cinhintku kin he niye hecinhan, inyan kin lena aguyapi icage kta keya yo. Tka iya ayupte ca heya, aguyapi ecela on wowaši ni kte šni, tka wicoie otoiyohti Wakantanka i eciyatanhan enape cin hena on." Ho hecel unkitowašakepi ataya on, na unkitawacinpi ataya on wocekiye unkeyapi kin hena bliheliya Wakantanka itokab canpeška makakli inaunjinpi na unkeyapi iyececa, hecel onspeunkiçiçiyapi iyececa, otoiyohti.

Ho henala epin kta ca tona Anpao iyacupi kin hena iyuškinyan nape unniyuzape lo.

John Pipè Boyd.

Anpao kin:

Wana ake Convocation wanji ehan unkipi kta naceca, he on ito B. C. U. unpi kin wowapi kin de cicagapi. Convocation icunhan B. C. U. unqonpi kin, mazaska womnaye kduha unkipi, qa mazaska tonakeca unkaipi kin okiseya on Dakota Wicaša Wakan on owicawunkiyapi ece kin he yeksuyapi he? Hehan tona B. C. U. ed oyapapi kin otoiyohti \$1.00 ece unkajujupi kta unkitawoopepi qon he, tona nahanlcin he ecanupi šni hecinhan, hena Convocation u kin itokab kdajuju po. Nakun wiwazica on owica unkiyapi e ce wan otoiyohti 50c e ce unkajujupi sa qon, he nakun tkonšya unkdustanpi kta iyecetu, hecetu kinhan Convocation icunhan mazaska kitanna ota unkaipi kinhan wašte qa tanyan

kta. Hehan nakun Pine Ridge ekta, B. C. U. opa wan šunkakan kiliūnağa e he wamnaunkiyapi, tona he nahanlcin ecalupi šni kin hena Convocation hehanyan anicipepe do, heced he nakun ed etonwan biye.

Owacekiye okna wamnaye tona iyoun wajapi kin hena Convocation itokab tiyata unkdustanpi qa mazaska kitanna ota unkaipi kta e he unkiciyankapi, B. C. U. omniciye unqonpi kin taku womnaye unkitawapi kin hena econqonpi šni kinhan, B. C. U. kin hecanhan wašakin kte šni, B. C. U. on woope okna unkopapi kta wan kaken unkowapi, okodakiciye wakan kin he tokaheya ounkiyapi kta unkeyapi, taku on ounkiyapi kte cin he, mazaska unkitawapi kin he un kta e heced unkapi. Heced eya okodakiciye wakan kin he ho kin on ounkiyapi eša, mazaska kin he nakun on unhapi kinhan hecetu. B. C. U. kin okodakiciye wakan kin ounkiyapi kta ee unkeyapi. Tukten Bishop, Priest, Deacon, Catechist, Helper, yukanpi kinhan, hen okodakiciye wakan kin he han, heced he ounkiyapi kta hantanhanš, okodakiciye wakan kin ed wowaši itancanpi kin hena owicawunkiyapi kte cin hetu. Unkan de etanhan aiyotan hea dena wicawakin kta. Unketanhanpi Dakotapi qeya, Priest, Deacon, Catechist, Helper, Tipi wakan icakda tipi, wocekiye econpi, oyate onspewicakiyapi wayazanka ed ipi, wica tin kta unkan ed unpi, tukten tiwahe ed wanji ta, tiwahe kin ed oiyokpaza ai, tka hen ijanjan kin yuha unpi, wicaliappi woecon econpi, tuwa cante šica, tuwa iyutanyanpi kinhan, tuwa hinlipaya, iš ohinlipayin kte cinhan, hena ed wawokiya tanka hecapi. Iyotan hena Dakota iapi wayupikapi kin on, tohan wanji wahokonwicakiciye cinhan onahon wašte, qa awaiçicin niye ça niya wacinksapapi okihipi ece, heced hena tawowahokonkiyapi kin wowašake ed on e he tanin ece. Decetu kin he taku aiyotan he? Hehan miniawicakaštampi kta on, wicayusutapi kin on, wotapi wakan kin on, wakankiciyuzapi kin on. Womnaye ocon kin on, taku kin dena ed wayawotan kin nakun hecapi. Heced okodakiciye wakan tawikicanye kin ed wawokiye tankapi kin dena iš owicakiyapi kte šni he? Wowaši econ wicašapi kin dena iyukanpi, heced yutapi kte cin, on owicakiyapi kta e womnaye kin tanka kta iyecetu, womnaye cona taku wan suta, wašaka, tanka, ota, qa wowacinye hin kta okihipica šni. Maka akan taku owasin womnaye kin he on wašte, maka wokiconze kin he womnaye kin he on wašaka. Maka akan taku wokage ocaje owasin womnaye kin he on wašake ça iyopta. Otonwahe tanktanka hiyeye cin hena womnaye on heced han. Maka akan wicaša itancan

ocaje ota qa aocipted wope awan-
yag hiyeye cin hena womnaye kin
he on hena wasakapi. Maka akan
akicita ota, qa mazakan tanka wa-
saka okokipe yuke cin hena, wo-
mnaye kin on hececa. Mini
wanca ekta wata wasake cin hena,
hemani wasake qa duzahe cin
hena, wamnaye kin on hena heced
wawaśaka. Hececa kta canken
wowapi wakan kin ed womnaye
kin he Wakantanka econunšipi.
Waanaungoptanpi qa womnaye kin
sanpa ota kinhan, Okodakiciye
wakan kin nakun wasakin kta.
Wicaśa kin maka akan unpi kin
den hecetuwanjica qa tinsya un-
qonpi kte ūni e sdounkiyapi, Wa-
kantanka kici owihauke wanid un-
qonpi kta e sdoyeunki-yapi.
Hececa eśa den unkitaanpetnpi
kin wowaśi ikeca ed obinni
ehaś unqonpi, nakunś he okna
ecena anpetu unkdusotapi. Ow-
peton, wakamna, heca ecena okna
anpetu kin unkdusotapi. Taku
kin de on wotanin waśte kin ed
wabdes unyanpi. Wakantanka
wicaśa iwicayuta, de eciyatanhan
tona wowijice wowicake hee cin
yuhapi kta iyececa, qaiś iyececa
ūni kin sdoyewicakiya. Tokata
makoce kin ekta woyuha tawa kin
hena decen cajeyata, heced eyapi
kin on den maka towijice kin hena
ohanzi wan iyececa wanka, hena
wowicake heca heca, qa suta wan
heca ūni, taku wan on iyutanun-
yanpi kin he heca. Wicaśa ota de
iyutapi keś tanyan econpi ūni.
Maka kin de tawahpaye kin on,
Walitanipi, ecin wowanikiye kin
he unpi ūni, canken Wotanin
Waśte kin ed, woyuha owotanna
ūni kin eya cajeyatapi, St. Luke
16: 9; 1 Tim. 6: 10; Titos 1: 11.
Mazaska kin he Wakantanka Iśta
kin ed, wicaśa walteūini qa śapa
wicakaġe cin he on hecen cajeya-
tapi, ecen hena yuhapi eśa on wo-
wanikiye icin he icupi kte ūni, qa
hecen okihipica ūni, qa e conana
yuhapi kin he wowaśte, Jesus he
kośka jica wan heced eciye cin
iyeced, St. Matt. 19: 21. Wowi-
jice kin he e heca e ūice ūni, Jesus
heya, St. Luke 16: 9. Jesus wica-
śa cante kin taku ed un kin nina
tanyan sdodya. Woyuha owotan-
na ūni eye cin he token wicacante
kin on canteyuzapi kin, qa
mazaska kin on wicohan ūica ota
econpi kin he on hecen cajeyata.
“Woyuha owotanna ūni kin on
tawuśi kta icicagapo,” eye cin
hena unkduhapi kta he ke ūni, tka
hena ksabyahan qa wiyukanyan
hena unqonpi kta; hecongqonpi
ūni kinhan *Satan* ti kin ed yus
qokayapi kta. Woyuha kin hena
yuha hecen unqon yukin kte ūni,
ika Wakantanka towitan kin on
wicaśa wicaunyuwaśtepi kta e on
unkitawoyuhapi kin hena wowida-
he kin heca kta. Tohanyan wo-
yuha unkitawapi kin hena, Wa-
kantanka mazaska Tipi tawa kin
ed eunknakapi ūni kin behanyan
h-na unkitawapi ūni. Wakan-
tanka kaunkipapi kin he on iye
towitan kin on hena unkdusotapi
iyecetn, heced tohanyan unkita-
woyuhapi qeya token wici unqupi
ūni kin, behanyan heca unkitawa-

pi ūni. De taku kin on Jesus
wiyacinpi qeya on onspeunki-yapi.
taku maka akan unyuhapi kin
hena unkitawapi ūni. Woyuha
kin hena Wakantanka iye on un-
qupi, heced unkiś iye kin on hena
on wanukaninpi kta. St. Matt.
25: 14; nakun St. Luke 19: 13.
Womnaye kin on Christian un-
qonpi kin taku wanji unkiśuyapi
kte cin he de e. Wakantanka
wicaśa wamanonpi kin yawa wica-
śa akantu kin toked wicaśa wama-
nonpi kin yawapi kin he isanpa.
Mazaska kaġe cin Wakantanka
Itancan kin he, woyuha woyawa
wikcemna kin kipiya obinni ni-
cupi, woyawa napcinwanka kin hena
niye nunkta e nicupi, tka iwikce-
mna kin he okodakiciye wakan
kice he qupi, qa he kin niśipi, qa
he koya iwicayecicu. Unkan
wicayecu kte ūni he? Niye he ko
anikdusotin kta he? Tka waun-
pi unkan mazaska kin hena onġe
tuwa tawa kin he kicunniūpi. Na-
kun dehan Christian taku yuha
kin ataya Wakantanka tawa iyeced
kdawapi kta. Iwikcemna kin he-
ceena kte ūni. Hehan nakun wica-
śa tancan ed wowaśake on kin
he nakun hanke wocekiye kin he
yusotin kta e iyowajakiyapi, qeyaś
nakun he wicayaki, qa wowaśake
qon he ko taku tokca niye yacin
wan ed on ko adusota, heced he
nakun nitawa ūni eśa dusota.
Hehan nakun wicakeya tanyan
cante nnyuzapi kte cin hanke eca-
ked nakun wicaśapi kin he tawapi,
hececa eśa hena tanyan cante wi-
cakiyuzapi kta tawapi qon nakun
wicauunkicupi ūni, he nakun unki-
tawapi ūni eśa ko wicaunkiyuso-
tapi. Taku kin dena on etanhan
unkeyapi unketanhanpi qeya, un-
kisanpapi, qa unkiwankanb e wica
kdepi, qa hena caje waśtepi, qa
obinni tanyan owicayakapi ece
kin, hena on inawicaunki wizipi
kte ūni, tka hena on iwicaunkici-
yuskiupi, qa i cante unwaśtepi
kta, Christian wocante oynze kin
he e. Wicacante dececa kin ed,
de etanhan wankand wapayaya
Itancan kin eyin kta.

Homer Clark.

NIORRARA DEANERY EN PROVINCIAL CHAPTER OMNICEYE ECONPI KIN.

Thursday, June 3rd, 1909.

Niobrara Deanery en Provincial
Chapter, un kin June 3rd 1909,
Thursday litayetu, 7 p. m. St.
James Chapel okna wacekiyapi
omniciye qa Rev. E. Ashley,
President kin, wotapi Wakan
icupi kte cin on ikduwiyeyapi
wowahokonkiye econ.

Friday, June 4th, 1909.

7 a. m. Wotapi Wakan icupi,
Rev. Edward Ashley, wotapi
Wakan wocon kin econ qa Rev.
Joseph Goodteacher okiya, tona
icupi kin 51. Womnaye kin \$6.50.

9.30 a. m. Omniciye econpi, Rev.
Joseph Goodteacher wocekiye on
omniciye yuldoke. Hehand
ikiciyuskinpi wocey kin he Rev.
John Robinson eya. St. Andrew
Sunkakiciyapi, Sisseton oyanke
ed qa St. James Chapel ed ahi kin
on wowiyuskin qa wopida kin he
okdaka qa taku woawacin eye cin
dena ee. “Cain toie qon he caje-
yate.” Ecin misun awankdag wa-
un he? qa akeś “Nikiyena un kin
he tuwe he?” Hehand Jesus we kin

on opeunkitonpi qon, maka akand
ounyapi kin, wicacoku qa iapi
toktokeca eśa owasin unwanjipina
qa wotaku ye wanjina he unkipa-
zopi.

Woayupte kin. Rev. Edward
Ashley ayupte, heye, owasin
iyuskiya unhipi qa hundi oiġhipi
ūni kin oiyoġiśica eśa tona hipi
kin taku owasin on waśte kin
oyake qa Cain toie kin cajedate he
ayuhen unkuwapi, ee eye qa heonś
St. Andrew Sunkakiciyapi omnici-
ye unyuhapi cajeyate, maka akand
wicaśa wowijice qa woyuha ee ūni
oyake tka Jesus dena iyeyapi qon
he cajeyata, qa taku iyeyapi qon
iśnana yuhapi kte qon ees ipiicida-
pi qa tuwekaś heciyapi unkiġipi
u po kinhan wowaśte iyeyapi kte
eyapi qon cajeyate.

(Den tona hipi caje owicawapi.)

11 a. m. Rev. Edward Ashley
wowahokonkiye econ. Text.
Anpetu Wakan Ska tawoekiye
etanhan, woniya wakan wicacupi
qon.

Otokahe ekta Wakantanka ma-
hipiya qa maka ko kaġe qon qa
token Wakantanka taniya kin mni
kin aman qa woniya Wakan otakiya
ohanye cin cajeyata, Wakantanka
wicaśa kaġe qa poge oniya qa
śkanśkan, wamakaskan heuncapi,
tka Adam tokaheya, waanagoptan
ūni, on wicaśa kin tantanya
ohanyanpi ūni oyake, tka Wa-
kantanka tawacin tanka kin
on ake Taniya Wakan kin
cuwi owicaniya kta, hecen ko-
śkapi kin wiyukanpi, wowinau-
bde wan wanyakapi kta decen on
Itancan Jesus wakand kikde qon,
heon woniya.

Wakan wicakican pte, waonspe-
wicakiya ed wicahi qa tona wica-
dapi kin. Hehan toked Peter
Jesus ktepi conhan anakilibe co-
wanka un etanhan tka tohan
Jesus wakand kikde qa Woniya
Wakan hi qon he ehan waditake
(“Wicaśa cinhintku celipi kin
etanhan yatapi ūni qa we kin
etanhan datkanpi ūni kinhan
yanipi kte ūni”) dena en cajeyate
qa Woniya Wakan hi qon anpetu
wanjina wicanagi opawinge yamni
wicadapi, qa iyecen Woniya Wakan
kin taku owasin on unkoġabnigapi
kta, wicaśa kin tokeġ ksapa keś
nahanhecin wicacelipi eciyatanhan
wacnyasupi, qa taku toked Wakan-
tanka cin kin sdonunyapi ūni qa
ġokokabnigapi ūni, heon Wakan-
tanka taniya orqupi kta obinni
mndapi kta, qa Woniya eciya-
tanhan maunnipi kta qa econqonpi
kta, qa onspeunkiciyapi kta e
iwahokonunkiyapi.

11.30 a. m. Dehan itancan
apiwicayapi.

Dena tokata omaka on wicayu-
stanpi.

Itancan, Rev. Edward Ashley.
Itancan okihe, Rev. Joseph
Goodteacher.

Wowapi kaġe Thomas W.
Tuttle.

Mazaska awanyake, Louis Clay-
more.

Wiyotanhan sanpa.

2 p. m. St. Andrew Sunkakici-

yapi kin taku on yahi he Thos.
W. Tuttle, Crow Creek Chapter
Itancan kin cajeyate.

Omniciye toktokeca ekta toked
iciyounwajapi he?

Mr. Phillip Ree cajeyate, qa
taku wanji etanhan awauncinpi
qon he tona Baptisma eciyatanhan
Christian hecapi qa owotanna
wowicada weniya wakan on omni-
ciye ayapi kin owasinna iciyo-
unwajapi qon he cajeyate.

Wicaśa wakanpi kin ekta toked
iciyowajapi he?

Rev. William Holmes cajeyate.

St. Andrew Sunkakiciyapi kin
wicaśa wakan kin hena Wakantan-
ka wicadapi e hecen wicawicadapi
kta hena wicohan tawapi kin inśe-
ya St. Andrew wicohan tawapi he
ee, qa wicohan ed iciyounwajapi
hena cajeyate.

Token hokśina kin onspewicaki-
yepica he?

Joseph Chapman cajeyate.

Den oko qa icunhan Program
Committee heceknana unpi kta e
pazopi, qa yuśtanpi.

4.30 p. m. Lent icnnhan woce-
kiye econ kin, qaiś Anpetu wakan
yawapi toktokeca en wocekiye he-
na tokac wicapi kin en upi ūni he?
Dena cajeyatapi.

Charles Briggs, Louis Claymore,
Rev. Mr. Ashley, Jos. Goodteach-
er, Zeras Graham.

St. Andrew Sunkakiciyapi wan
omaka wokajuju kin econ ūni un
kin token econpica he?

Stephen Gun cajeyate.

7.30 p. m. Wocekiye omniciye
econpi, qa ihanke ed wicaśa yamni
Wakantanka taniya ed wicahi kin
eciyanhan icicupi qa St. Andrew
Sunkakiciyapi ed opewicayapi.

Dena cepi. Rev. William Saul,
Mr. Thomas Cante, qa William
Campbell.

De ohakab Rev. William Saul,
text: Joshua 4. 7, “Heceen Israel
cina kin inyan kin dena wokiks-
ye owihanke wanin yuhapi kta.”

Deon anpe dehan Itancan unki-
tawapi okodakiciye wakan on qa
ed wokiksye tona ekde qon hena
on tanyan kiksuyapi kta e wowa-
hokonkiye waśte wan unqupi.

8 p. m. De ed tonapi kin on
wokiksye wocekiye eyapi, kta e
wowapi kaga cajewicayata:

Holy Faith Chapter, etanhan,
Micah Johnson.

Holy Fellowship Chapter,
Henry Selywin, Thomas Benton.

Crow Creek Chapter, Daniel
T. Eagle.

St. James Chapter, Robert
White, Harry Milton.

Hehan ake hihanna wotapi
Wakan icupi kte cin on ake Rev.
Edward Ashley ikduwiyeyapi
wowahokonkiye econ.

Saturday, June 5, 1909.

7 a. m. Wotapi Wakan icupi
kta e Rev. H. W. St. Clair, yuwa-
kanpi wocon kin econ, qa Rev.
William Holmes okiya. Tona
icupi kin 49, womnaye kin \$3.25.

9.30 a. m. Rev. Mr. Holmes wo-
cekiye on omniciye yuldoke. De
en Rev. Joseph Rogers wokdake.
Taku cajeyate cin de. “What is
a Christian?” de on tanye hein
wounkiyakapi.

Hehan de en omniciye kicopi
kta eyapi:

Tokata Isanyati oyanke ed St.
Andrew Sunkakiciyapi kin omni-
ciye kta e yuśtanpi.

10.30. Wicaśa watokecapi e
mniwicakaśtanpi ed waewecakici-
yapi kta he? Louis Claymore, na-
kun Stephen Blacksmith, cajeyate.

Concluded en Supplement

SUPPLEMENT TO ANPAO KIN--July, 1909.

Wicaša waewicakiciyapi kin wicohan kin awakicinpi šni on akiktonjapi qa tohinna wakanheja wan tohand iyehantu qa wicayusutapi econ kta iyececa keš ed etonwanpi šni ecee, heon tona St. Andrew Sunkakiciyapi tona hecawicakiyapi hecinhan hena eegeš eced econpi kinhan deciyatanhan Christ tokiconze icahyapi kta eyapi.

11. Iyaza omani kta wan wanna yuhapi kta iyececa he? Mr. Henry H. James He cajeyate, de ohakab motion kagapi qa wanji yuhapi kta e pazopi, qa okiciyapi, qa he okna yušanpi (Woyušan wan).

Iyaza omani wan wanna yuhapi kte cin on Niobrara Deanery, Local Assembly icekiye Chapter tona imahen un kin de on wamnayanpi kta, qa tona mnayapi kin hena Mazaska awanyake cin qupi kta qa tohand mazaska on omanipi kta wan kipiya yanke cinhan Itancan kin iye tuwe cin kinhan yeši kta.

11:40. Wicokaya omniciye "Christ tokiconze." Rev. Edward Ashley cajeyate.

1 p. m. Iteiwicacupi.

2 p. m. St. Andrew Sunkakiciyapi opa itomni sa e sdonyapi unkan he wowidagyepica he?

Felix Rondall cajeyate nakun. Charles Blue Dog, Simon Jacob, E. Ashley.

2.30. Tuwe St. Andrew Sunkakiciyapi opekiyapi kte kinhan tukteetu qa watohan econpica he?

Zenas Graham cajeyate.

3. Sunkakiciyapi oadetka hiye cin token mazaska yuhe kta iyececa he? Alfred Barker cajeyate.

3.30. Baptisma eyapi kin he taku he?

Mr. Thomas Roullard cajeyate nakun Rev. Mr. Ashley.

(1) Christ ematanhan. Stephen Blacksmith cajeyate.

(2.) Wakantanka cinca. Thos. W. Tuttle cajeyate.

(3.) Mahpiya wokiconze tawaye kta. Clement White, Richard Kebble.

5.30. Wicayusutapi eyapi he taku he? Rev. J. Flockhart wowapi on cajeyate qa Mr. Goodteacher yawa.

7:30 p. m. Wocekiye econpi qa de iyehan Rev. William Holmes, wawahokonkiye hanska qa wašte wan unqupi.

De ohakab St. Andrew Sunkakiciyapi yuwitaya omniciye tanka

ekta tuwa yapi kte cin wicakalini-gapi, qa dena eepi. Rev. William Holmes, Mr. Charles Briggs, Felix Rondall.

Sunday, June 6, 1909.

7 a. m. Itancan hitayetu wotapi wakan tawa icupi, qa de e tona icupi kin 65. Wamnayapi tka, owawa šni.

10.30. De en hinhanna wacekiyapi, qa Wicaša wakan dena hayake kicunpi.

Rev. Edward Ashley, Priest.

Rev. Jos. Goodteacher, Deacon.

Rev. John Robinson, Priest.

Rev. Wm Saul.

Rev. H. W. St. Clair.

Rev. William Holmes.

2.30. Wacekiyapi, qa Rev. H. W. St. Clair wahokonwicakiye.

Text: St. Luke, wicowoyake, 9-62.

"Wicaša kin tuwe mahyubde wana yuze, ca hehand hinnakaha hakikta kinhan, he Wakantanka tokiconze kin en ope kta iyecece šni ce."

Mañtiwicaša kin he wicaša kuya wicayawapi kin wanji ee, tuktekte taku wanjikji on wowihawicayapi unkan wanikiya unkitawapi heca wan de wiyacin, woju wicaša kin he tohan wana maka yubku kta eca, tokaheya icago kte cin he owotanna icage cin ecee, qa he hecon qa tanyan icago can hehand uma oyubdu kin tanya ilipaye qa nakun tanyan maka kin akiyecen wanka ecee, hehand ohakab taku oju kta hecinhan tanyan icage kta e he wicaka qa ape qa wacin tanka ecee woju wicaša kin he awicakehan wowicada wan yuha qa he wicada, woju kin he icage kta qa etanhan wokse kte cin he, Ukan Jesus is nakun, hecen econ maka akand ni un qonhan, qa mahpiya wokiconze kin ed yapi kte cin, on hitani, waniyetu yamni waonspekiya, ohinni tokatakiya ya, tohinna hakikta šni, tokata wasabkdepi wan ekde, qa mahihupa kin yuze qa maka oyubdu wan owotanna icago iyaye, qa heon St. Andrew Sunkakiciyapi kin is mahpiye wokiconze kin de icage kta e mahihupa kin oyuspapi qa hakiktapi kte šni keya, qa wowicada kin de awicakehan wicadapi kta keya St. Luke 9-57 hetanhan ihanke yawapi kin, wicaša token woiyowadyapi kin iyeced, nakun dehand wicaša woiyowadyapi yuhapi ce eye qe yaš tona mahihupa yuzapi kin tokatakiya eceena etonwan manipi kta

ce eye, qa icago yapi kin de tohanpi kin on taku ojupi kin he tokata icage kte cin he wicadapi kta e iwahokonwicakiye.

Wowapi kaga.

Lower Brule etanhan.

Anpao kin :

Ito lehanl wowapi cicu kte. Eya tohinni wowapi cicu šni tka lehanl wayaotanin ciši kte. Eya Medicine Creek el wicohan wašte okna Wakantanka wowaši econqoupi kin lenake oitancanpi kin eepi: Nellie Forked Butte, itancan; Nellie Thompkins, okihe; Jennie Byrnes, mazaska awanyaka; Fannie F. Kenedy, wowapi kaga; Mrs. Boy Elk, womnaye na nakun wokagege wiyopeye; Mrs. Deshuquette, wayazan awanyake. Ho lena oitancan wicayuštanpi, Wakantanka ihukuya wowaši eakiconpi. Oyanke lel omaka nonpa owecinhan Tipi wakan kin Tate kahwoke na iyotaniyekiyapi, na kitanhcin le omaka kin wana Tipi wakan wan wašte unyuhapi. He cel mitakuyepi tona okolakiciye wakan oyapapi kin hena oyasin onšionyalapi na waceunyeciciyapi kta iceciciyapi. Wicohan wašte kin okna omaka nom owecinhan Wakantanka ihukuya wowaši eawecon na iyotiyewakiya, hececa eša wikoškalaka wašte ob wowaši ecamon, na is eya okna blihecapicanke piwakila na icantemawašte ye. Mitakuyepi lehanl Omniciye tanka unyuhapi kta, oyanke kin lel kin, he ohinni icante wašte waun we. Ho mitakuyepi tona Anpao iyacupi kin cantewašteya nape ciyuzape.

Nellie Forked Butte.

